

牛戒輯錄

如不看  
轉送人



170.1  
1618

1938.2  
2558

4184

同治戊辰年刊

# 牛戒輯錄

板藏京都琉璃廠東門內

路北篆書齋范家刻印舖

天下有<sub>三</sub>功於人無害於人者而人肆然  
戕之忍乎不忍吾知稍具人心者必僉曰  
不忍也天下有至尊不輕用羣祀莫能享  
者而人紛然食之敢乎不敢吾知稍知義  
理者必僉曰不敢也何獨於牛而忍之敢  
之夫春雨一犁秋雲萬畝喘聲未定鞭撻

頻加而人生衣食之資賴焉迺大功未報  
遽付屠刀宛轉哀鳴苦衷莫訴君子聞其  
聲而遠之况習以為業藉以取利乎殺者  
固慘矣而食者亦未見無傷蓋牛之為物  
也宿應元武牲中太牢物雖粗而品則貴

國家惟

郊廟大祀用之餘則不濫用也我輩何人  
居然坐享彼食之者動曰有其殺之然後  
食之於我何咎焉殺之者亦曰不有食者  
奚以殺為於我何咎焉兩相委而咎莫能  
辭忍也敢也均未返諸本心也余家世不  
食牛先君子禁之尤嚴故至今婦孺咸

知戒焉每欲別輯一編以勸世頻年鹿  
未遑也

今上御極之五年余適司鐸青邑黃生近  
光來謁款接之頃見其恂謹老成動遵禮  
法心竊重之越日袖一編以丐序於余名  
曰牛戒輯錄急披覽之內載聖賢訓戒之

詞古今善惡之報敘次井然有條不紊真  
所謂先得我心者但輯已數年無力開雕  
余以冷官亦不克獨任今歲適赴春闈攜  
至都門所賴同志諸君子集腋為裘共  
成此舉匪惟黃生之願遂即余之願亦遂  
矣是為序

咸豐六年丙辰三月朔檀邑謝棠撰於都  
門之杏花春雨軒

戒殺牛食牛輯錄小引

殺牛果報歷歷不爽。不獨引証載籍始知畏懼。卽  
將我邑往日一戶如何結果。現在庖丁如何景况  
思之不覺汗下。無如世人多未省察也。予乏才德  
何足勸衆。區區愚衷未敢隱匿果報。是以不惜苦  
口。復蒙諸善士互相勸諭。我甲四五十里內。聞言  
知改者十有七八。近來農家瘟痘不作。足徵效驗。  
府學朱老師先年在京城。帶有戒殺牛食牛輯  
錄一卷。板存成都。命予刷印。又遠近送予善書所

載殺牛食牛報應不可縷數披覽之下毛骨俱竦。急欲付梓力不從心幸朝元寺建大醮剩有銀兩。特採集數冊刊刻布送所貴仁人君子宿學通儒。爲編氓之表率作愚賤之楷模其勲盛舉演講化導則功德無量豈僅我鄉之幸也哉。

戒殺牛食牛輯錄目錄

戒殺戒食引

先賢遍示鄉村戒殺戒食歌

先賢戒食耕牛歌

九皇聖母訓節錄

玄天上帝訓

川主降諭

陶石簣先生格言

張文端公格言

按律節錄

純陽祖師功過格節錄

戒殺戒食善報引証

殺牛食牛惡報引証

感應錄冊式

捐金卽書姓氏

戒殺牛食牛輯錄

先賢遍示鄉村戒殺牛歌

世間最苦是耕牛。四時勤苦總無休。犁耙着上千斤重。更有麻鞭逐日抽。惡言毒語諸般罵。黃昏清早不停留。田硬土深耕不動。肚飢口渴淚雙流。吃些水草充飢渴。種得田禾主自收。偶然吃了幾科稻。合家大小罵瘟牛。麥磨麵兮米做飯。芝麻菽粟滿田疇。親朋會聚朝朝樂。喪祭婚姻事事周。若是家中無錢使。一心只想賣耕牛。牛到老來無氣力。牽與屠家去斫頭。

細綁四蹄持利刃。斷喉割肉有何仇。眼淚汪汪說不出。破肚抽腸鮮血流。塗鼓釁鐘需牛血。點燈作燭用牛油。抽牛筋兮作強用。拔牛角兮作弓鉞。剝皮鋸骨兼刮削。百般痛苦鬼神愁。牛因前生罪孽重。今生罰變做耕牛。人若今生也造業。難保死後不爲牛。人做牛知牛苦。那時懊悔不自由。吃牛之家招瘟疫。戒牛之士獲天庥。報應昭昭真不爽。清夜思量可自由。但願人人憐牛苦。生生世世勿屠牛。

先賢戒食耕牛歌

莫變牛。莫變牛。口不能言空淚流。指望變牛償夙債。誰知依舊結冤讐。人不覺。主人忒也心腸惡。只貪小利入包囊。不顧老牛遭鼎鑊。也記得。壯年時。一犁春雨苦支持。勤耕只顧家殷富。忍餓何曾人得知。又記得。春起早。口嚼後園陳爛草。口乾草爛不堪吞。主人認草如珍寶。田偏緊。日偏長。肚中無食眼中黃。回頭指望將來放。反被加鞭趕逐忙。行走緩。罵瘟牛。磨牙切齒似冤讐。皮開肉綻因何事。日落還嫌工不週。天不雨。旱田多。晨昏車水上高坡。肚飢口渴無人念。車

重還須盡力。拖至秋成。年歲好。禾黍豐盈。收穫早。全家溫飽樂陶陶。終朝計較。牛年老。牛將老。力已弱。臨春未必能耕作。莫將閒草養閒牛。早賣銀錢多快樂。牛聽得。心中悲。只圖年老得相依。豈知未老將來賣。鐵石無情也慘悽。主欲賣。斷難留。屠宰聲聲喚買牛。可怪主人心太忍。從前恩愛反成仇。屠買得。使繩牽。滿懷哀怨口難言。回頭望主全不保。不念勤勞只愛錢。別主人。全不顧。眼淚如泉心恐怖。戀主依依行步遲。轉頭猶望門前路。入屠市。已消魂。求生無路死無門。屠兒執斧當頭劈。萬苦無伸不忍聞。身軀大氣難絕。活剝皮。生取血。可憐筋骨體巍巍。怒目恨屠心胆裂。心胆裂。刀不歇。細割輕剝還薄切。炭烘油沸焰騰騰。對面熬煎淚如血。眼睜睜。肉已熟。饞口紛紛食我肉。不憐牛苦受凌遲。還嫌牛瘦味不足。足不足。莫歡喜。報施自有循環理。勸君切莫恃強梁。恐怕來生我似你。

九皇斗姥訓節錄

狗星列于三垣之外。牛星麗于二十八宿之中。垂象

昭昭天人共憫。故害牛至三。如害一人之命。傷犬至七。如傷一人之生。自古迄今。報應不爽。

### 玄天上帝訓

夫牛者。上天元武之精。下土太牢之氣。非郊祀不敢用。非天神不敢斂其形。上列天星。其力下興地利。有功于世。無害于民。殺之者國有常法。食之者幽有禍愆。牢字從牛。獄字從犬。不食牛犬。牢獄永免。太乙牢山。俱有真形。食之三日。魔神攝精。戒之三日。名上玉清。牛食百草。與人何害。人食百物。牛犬可戒。

### 川主臨凡勸世語

樂山縣中堡五柳鄉。嘉慶十三年六月。居民百餘人。做川主會中。有一童子。名周文煥。年九歲。卽生員周成章之子也。忽然昏寐。踰時坐棹上。呼居民焚香下跪。吾乃惠民大帝臨凡。見汝等虔潔敬我。多不信。因果報應。特將俗語教導你們一翻。衆皆唏笑。斥其謬妄。文喚吼一聲。地震山應。鐘鼓皆鳴。衆恐懼。下跪靜聽。得句卽書。乃曰。人生罪孽甚多。而殺生爲最。殺生罪業至重。而殺牛爲最。食之者亦與殺等。近日玉皇

上帝甚是震怒。命漢桓侯張王爺執掌雷簿。要將好宰耕牛之人。盡遭霹靂。又命五瘟使者。要將好食牛肉之人。瘟疫喪命。我不忍跪懇三次。上帝命我臨凡勸化。然後繳旨。我想你們只有一個父母。怎麼耕牛也叫做父母。蓋牛是上天玄武之情。太白星君憫念黎民勞苦。使他變來替人代耕。不是他回犁轉耙。汝等飯從何來。所以牛比別的畜生不同。故稱為養身父母。你還殺他吃他。看有罪無罪。爾等見有等殺牛的人。問或有錢使。間或有子孫。只說是天無果報。脚不知道他。或前世有陰騭。或祖先有餘德。假如今生肯作好事。必前程遠大。竟要昧心殺牛。一到油盡燈就滅。並無一個漏網的。爾若初世爲人。好宰牛。必受窮困。必遭奇禍。必生惡疾。必短壽算。必絕子孫。惡貫一滿。到死的時候。不是吃完指頭。就是嚼爛舌尖。作牛吼。吃稻草。生不得生。死不得死。這樣人甚多。明明陽間果報了。況且死後還要在陰司。受無限苦楚。上刀山。過鐵錘。下油鍋。罪受滿了。還要罰他變豬變羊。也受千刀萬砍。看起來。這個業可是造得的麼。汝等

回心改過。卽赦汝罪。若又能勸化人不宰牛。不食牛肉。我便奏請上帝。賜尔多福多壽。汝有等好吃牛肉的人。只說未曾舉手。該也無罪。你想一想。因爾食之者衆。所以宰之者多。若個個不吃。誰復爲此犯法之事。你們好吃牛肉之罪。不過些微減等。眼時上帝定的天律。不吃牛犬肉。卽名爲半齋。半齋者無奇厄。汝若在神前誓戒。復勸化十人者。准折誦金剛經一卷。可消平生罪過。能勸化百人千人者。功德無量。汝等務傳寫布送。莫負吾意。若半信半疑。戲侮吾言者。汝命定喪雷霆。決不寬恕。語畢。文煥仍然昏迷墜地。半日後甫醒。時有痞棍張大奇。黃正茂。好宰牛。問之。罵爲妖言惑衆。六月二十八日。二人一時被雷殛死。各批一牛字于背上。

陶石簣先生格言

好生惡殺。人之本心。世徒以口復之溺。而勇爲殘殺。有戒殺者。反笑彼爲釋氏之訓。非聖人之教。是未考于聖人之教。而猥以習見論之也。禮曰無故不殺。則有故而殺者。無幾矣。孟子曰。見其生不忍見其死。聞

其聲不忍食其肉。夫見生聞聲。君子咸不食之。則不出于見聞而食者。亦無幾矣。聖教如此。何嘗教人取無故不殺之物。而殺之以爲饗殮乎。堯舜之世。鳥獸魚鱉咸若。百獸率舞。鳳凰來儀。嗚呼。此豈殘殺所能致之哉。况乎六畜之中。惟牛最苦。私宰耕牛。律有明禁。奈何食之者。毫不知所畏懼乎。

張文端公格言

余奉長齋放生。是非我者各半。亦知三教聖人。功用雖異。其仁慈愛物。體上帝好生之心。則一乎。因其淺見妄輕佛老。豈佛老好生。而吾儒獨好殺乎。白樂天有放生儀。真西山有不殺誡。顏魯公隨所守郡縣。卽出榜禁宰耕牛。立放生池。共八十一所。咸乞徧示。以垂不朽。蘇東坡晚年極喜放生。數公節義文章。標炳千古。使事在可緩。數公其肯爲乎。彼不信者。豈聰明反過于數公乎。

按律

宰殺耕牛一隻。枷一月。杖八十。宰二隻。枷三十五日。杖九十。宰殺三隻。枷四十日。杖一百。宰四隻。枷四十

日杖六十徒一年。宰殺五隻。枷四十日。杖八十。徒二年。宰殺五隻以上。枷四十日。杖一百。徒三年。十隻以上。杖一百。流三千里。私開圈店販賣。與宰殺之人亦同罪。○私宰耕牛。地方官失察。不行緝拏。宰殺一二匹者。罰俸三個月。宰殺三四匹。罰俸六個月。宰殺五匹以上。罰俸九個月。宰殺十匹以上。罰俸一年。宰殺三十匹。降一級留任。若能拏獲究治。免其處分。

純陽祖師功過格 節錄

功條○戒食牛犬。一年十功。如從前願食者五十功勸人戒殺

一次一功。

見從者五十功

戒殺牛二年五十功。倡放生

會一會五十功。

久遠不息百功

節嗜免殺一次五功。

買放生命百錢一功。見殺能救卽救一次三十功。

見殺聞殺。爲已殺不食。一次二功。耕牛不賣與屠

家。至死埋之。五十功。義犬不賣與屠家。至死埋之

十功。見物臨刑。起哀憐意。一次二功。

過條○倡殺阻人放生。一次百過。私宰耕牛。一命

五十過。

屠犬一命二十過

好食牛犬。一次三過。蓄一殺生

器具。一具十過。開一害人事端。事三十過。

誘引人成匪類百過。唆人爭訟一次三十過。

唆人鬪毆一次五過。見人門不勸止一次一過。

戒殺戒食善報 引証

○平陽縣蕭震少時夢神人告以壽止十八至十七

歲父爲蜀將張設盛筵款賓客蕭震至庖見繫牛

哭告其父勸莫殺牛父從之夜夢神言汝有陰德

不獨免夭並臻爾祿後享壽九十餘位至中丞。

○林塘村老顧元蓄數牛甚加愛恤有一牛疲不能

耕其子請賣于屠顧元不肯每向妻子語云牛爲

我耕年久今我老牛亦老不憫其功假手于屠人

宰殺于心何安凡牛死必令家人照二日度肉不

可食始埋之後元享年八十八歲家興數萬。

○淨業禪師俗姓朱名大興好宰牛他日繫一犝牛

將屠殺其子牛啣刀跪地淚流不止大興惻然削

髮爲僧號淨業得証佛果年九十餘端坐留偈而

逝偈曰昔日羅刹心今日菩薩面羅刹與菩薩只

隔一條線。

○金陵朱之蕃爲人愿謹未第時夢神人語之曰今

年狀元。當是鎮江徐希孟。因彼私一奔女。黜之。汝家世德。與彼相等。次當及汝。但彼三代不食牛肉。汝父子獨未戒。此倘能早戒。狀元屬汝無疑矣。覺語其父。父笑而不信。明夜父夢亦如之。始大驚。次早。父子焚香告天。誓不食牛。是年果狀元及第。徐止得二甲第一。

○胡州四安翟節。五十無子。繪觀音像。祈禱甚至。其妻方娠。夢白衣婦以盤送一兒。韶秀而美。妻欲抱。取一牛橫隔其中。竟不可得。既而生子。彌月不育。又禱如初。聞者告曰。子酷嗜牛。竟謂是歟。節遂悚然。立誓合家不食牛肉。後又夢如初。妻抱得之。乃生子成人。

○台州李田之子李國瑞。初夢一人推車過門。滿載書卷。國瑞問是何書。答曰。今年南省及第人姓名也。國瑞請求觀看。並無已名。只有李遂夫三字。推車人指曰。卽爾名字也。爾家三世不食牛肉。上帝命爾父子登科。悉受福報。國瑞醒。更名遂夫。後果中式。

○萬曆乙酉科。應天府學李鎰。祈夢于文昌帝君祠。夜夢發天榜。與楊應文同中。應文名字下。殊筆批有祖父陰功。浩大六字。復畫一牛像。在傍。後發榜。果與楊應文同中。乃無錫縣人也。因問其前代陰騭事。答曰。我家不宰生。不食牛肉。已三世矣。

○孟士元。福建侯官縣人。多姬妾。生子俱歲餘死。凡廟宇神像。毀壞不辭。金裝塑。生子仍如故。士元對人曰。我敬神。復使我絕嗣。則果報不足信也。忽有一老翁在旁。責之曰。汝好食牛肉。其罪甚大。非汝

裝塑一點敬心。則汝命早夭矣。豈神無果報乎。言訖不見。士元夫婦。遂對天誓戒。不食牛肉。復刻戒殺戒食圖。以勸人。後連生四子。皆育。長名松苓。八邑庠。次名松茂。中式。

○餘姚縣東門。顧屠將宰一牯牛。偶以他事往。其犢瞰無人。啣刀藏屋後灰堆中。顧屠遍索之。乃得諸灰中。大怒。將併殺犢。封君石泉翁聞而買之。是年公子登科。仕至大中丞。○犢子牛也。

○縉雲縣管師仁。官樞密少時。元旦五鼓。遇大鬼數

輩狀貌瘁惡。師仁叱問之。對曰。我疫鬼也。今行疫人。間師仁曰。吾家有之乎。曰無也。何故得免。曰不食牛肉。

○平江王亨。生惡瘡。形如葵花。濃血淋漓。備極苦楚。祈夢于關聖帝君。詞夜夢一人拊其背曰。汝今有瘡。便知痛苦。汝前世好宰殺。獨不憫念牛之痛苦乎。若將宰殺果報。刊刻勸世。汝疾無憂也。醒依夢中言。其果愈。

○宋陳升甫。始作戒牛緣冊時。爲捧持隨身。所到宛轉勸化。同時願戒者。爭效其法。一時耕牛全活無數。後升甫享耆壽。子孫世多顯宦。

○徐拭。慈心不殺。尤惡宰牛。居恒謂牛爲太牢。其物最鉅。且最有功于世。天子無故。尚且不殺。而人乃以爲口腹之恒食。何也。故居官所至。必嚴禁之。復出榜合戒者。備書姓名。幾滿數千冊。後仕至尚書。○秀水舉人包如賓。全家不殺生。不食牛肉。刻耕牛苦偈。勸世復作戒牛小冊。普勸多人。人樂從之。後其子鴻達。發解順天。登進士第。

○長沙周愨菴刻戒牛帙并募緣冊苦勸世人其孫憲臨復作戒牛長歌備載善惡報應隨方開導人聞言至有泣下者于是共相勸勉遠近感化周氏後家道日裕子孫繁衍人咸謂果報不爽云。

殺牛食牛惡報

○鎮江蘇士威暴卒至冥司冥官曰汝父子好屠牛罪業深重當受百千苦報汝父已在地獄刀山受罪汝壽未終合先受責遂將雙眼取出置地下卽以平日所剝牛皮爲索鞭之數百復令鬼持大鐵

錘遍身擊之痛極不可忍哀號求生始行釋免冥官曰汝陽壽尙有數年歸語世人急戒食牛肉或可稍減汝罪不然一入畜生道恐無出期也及甦兩目已瞽遍體青腫自是每語屠戶述其向時受苦狀轍痛哭流涕而言之。

○廣陵馬世澤子馬容好殺牛其母朱氏止之不聽容一日戲牛曰汝拜我我饒汝性命不殺其牛遂跪容曰畜生何曉人意仍殺之次日容爲雷擊批一牛字于背上。

○常熟縣有陸中青好殺牛。一日繫一牛。始下刀。牛極力繩斷。以角觸陸腹立死。

○滁州屠戶來安屠牛爲生。每令其子看其用刀。欲世爲業。一日父睡。子認爲牛。持刀斷其頭。衆人駭問。子曰。我見是牛。不見是父。父嘗教我殺牛。今見牛睡。試手法耳。

○鎮江華回子。父子宰牛。一日仆地作牛鳴。卧病月餘。額上生雙肉角長寸許。觸之極痛。臨死時鄰里皆聞牛屍氣。

○建州甌寧縣婦人湯七娘好殺牛。一日買牛騎之歸家。忽兩腿與牛背合爲一體。竟不能脫。人鞭牛。婦體亦痛。其家牽往野中。與人觀看。冀得減罪。經數日而死。子孫自此改業。

○宋桐鄉人李華。生二子。長子時春好食牛肉。得疫病。妻徐氏尋醫。途遇白髮翁曰。疫病多尋食牛人。時春聞言悔過。誓不食牛。病遂愈。李華次子李遇春。讀書登科。李華復宰一牛。其子遇春遭疫死。報夢于父曰。祖修德有我。因父業罰我。古云羅雀多

盲目屠牛必破家信不誣也。

○阮倪當陽縣人。好食牛舌。有人言食牛有果報。倪輒怒罵之。後生二子皆無舌。阮倪舌上亦生惡瘡潰爛而死。

○廬州徐淹。父子嘗販牛。渡江。忽風浪大作。船覆。父子皆沒于水。

○西安城外里許。鄭大寧家殷富。每食不離牛肉。一道人善看相。所斷吉凶皆中。鄭請看壽算。何如。道人曰。汝遍身皆牛氣。汝必好食牛肉。犬凡人食牛

犬肉。便污穢竈神。汝既污穢司命之神。壽必不永矣。鄭曰。有個甚麼竈神。污穢不得。我斷不信這些邪言。忿恨而去。次日大寧被雷擊死。胸前批污穢灶神。反加訕謗八字。此康熙三十七年四月十三日事。

○大庾蘇小二。好宰牛。病月餘。忽兩手兩足皆成牛蹄。年餘甫死。

○濬縣湯之本。生四子。宰牛爲業。次子湯秀肯。信因果報。應勸莫宰牛。父嘗鞭責之。一日半夜火起。湯

秀夢中有人拊其背曰。起起汝家孽報至矣。秀醒見滿屋火光。急喊叫奔出門。其餘奔至門。火光中來數牛在門前抵觸。一家人不能得出。俱被燒死。○敘州府高縣地名走馬嶺楊百斗之子楊二。以殺牛爲業。嘉慶十四年十一月初九日。在門首撐晒牛皮。旁有人云。關聖戒諭說宰殺耕牛者。天雷打你。獨不怕耶。楊二笑云。雷要明年二月纔發。等我殺過今年。再來收手。言未畢。牛皮忽然飛來。直抱楊二。如繩縛緊。楊二喊叫。多人分折不開。其母哭

曰。此殺牛之報也。母卽焚香跪地叩首哀告。

帝君赦罪建醮。悔過楊二亦對天發誓永不殺牛。母乃親解其皮。滿身紅腫。扯脫皮數處。尙有牛皮一塊粘緊背上。扯之不脫。如生成一般。

○固始縣清和場甲首劉先璧。每逢趕集必說果報。最惡宰牛。時場中無賴呂麟。杜若柳。錢遇順。三人好宰牛。劉數勸不從。始首于官。三人俱枷責釋放。後仍宰牛。劉復稟官。三人懷忿將先璧謀殺。後皆斬決梟首示衆。居民在清和場修一小廟。塑劉先

壁像歲時祭祀復鑄三鉄人書呂麟等名字于背  
跪于小廟之前衆人日日打罵以爲宰牛者鑿。

○零陵縣生員褚某好食牛肉一日見數牛鬼來家  
中觸人遂失魂魄常涕哭說時時有牛打他請巫  
遺之褚忽作牛鳴數聲言曰汝讀詩書不能勸衆  
反謂牛肉能開胃健脾應遭此報巫其奈我何作  
牛聲吼數日而死。

余覽善書所載果報甚衆不能全錄望閱是編  
者急知儆戒勿蹈覆轍是幸。

感應錄云能勸百人不食牛肉增壽一紀宋時已  
有人行之靈驗非常善人信士發心願行此格者  
不論富貴貧賤皆可遵行凡求名求利求壽求子  
如式奉行無不感應。

冊式

弟子

係生子

年 月

日今爲

事發心敬勸百人不食牛肉伏願

神明鑒察俯垂憐念令某所求必遂顯蒙獲佑不勝  
恐懼感激之至

170.1

168

願行者將祈禱事由如式填寫願戒者自書姓名  
着押于下務囑其堅固持久毋得再犯庶彼此俱  
有功德若勸戒已滿百人仍填寫願文向神前焚  
化自然福祚綿遠善報不爽

信士

係生子

年 月

日今發心

誓戒牛肉自戒之後永遠不食伏祈

神明鑒察福祿並臻長發其祥不勝懇禱之至

信士

押

衆信士誓戒文或當時焚化或首人帶去至還願之時同焚亦可

同治四年七月總管內務府大臣明善印送二百本

同治五年六月總管內務府大臣明善印送二百本


同治六年六月總管內務府大臣明善印送二百本

同治七年三月總管內務府大臣明善印送二百本

同治七年五月總管內務府大臣明善印送二百本

同治七年八月總管內務府大臣明善印送二百本

同治八年十月總管內務府大臣明善印送二百本



五  
五

